

*Chronographia.*

Quod si unquam Parentibus succurrendum, certe tum id faciendum est eo tempore, quo calamitatibus pressi ferè succumbunt, imprimis verò in senectute tristi, ubi, tempore præsertim hyemali, quando omnia frigore concresecunt & aligent, vires illorum exhauriuntur.

*Prosopographia.*

Parentes nostri naturali & implantato amore nos prosequuntur. salutem nostram curè capientes, valent prudentia, experientia, consilio, iudicio confirmato: meritò itaq; suspiciendi.

*Hypotyposis.*

Parentes nostros vel etiam hoc nomine magnificiamus, quòd omnem curam & diligentiam in filiis educandis adhibent; quoties fit, ut noctes insomnes ducant, cogitationibus suis hinc inde oberrent, gemitus & suspiria ducant, manibus elevatis & flexis genibus Deum invocent, nulli labori parcant, & omnem lapidem moveant, solum ut filiorum salva procuretur.

*Pathopœja.*

Ecquæ tandem, vos carcinomata & immorigeri, non digni, quos filiorum nomine appellem, malitia vestros invasisse animos, quæ pertinacia, quæ protervia, ut vestris parentibus quævis mala inferre non vereamini? Dispercam, si non hæc Deus gravissima pœnâ est vindicaturus.

*Ratiocinatio.*

Habeatur tandem honor parentibus, qui gestibus, vultu placido, sermonis suavitate factisq; suis satis declarant, quantam filiorum rationem & curam habeant.

*Παρέγκλισις, Digressio.*

Parentibus debitum honorem qui non exhibet, extinguere videtur naturalem amoris flammam, quâ filii erga genitores flagrant, quæquæ flamma in ipsis brutis reperitur. Sic Ciconia parentes senectâ defessos vicissim alit, & volandi impotentes humeris gestat. Celebratur pari modo à naturæ indagatoribus upupæ erga parentes officium,